



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Doctrina Christiana.

urn:nbn:de:hbz:466:1-10447

telligendum est de usu fructu annuo,
& non de proprietate.

DIVORTIUM.

CAUSA divortij, quoad separationem tori sunt multæ, prima sævitia viri, secunda vœneni præparatio, tertia furor, quarta hæresis, quinta crimen nefandum, sexta fornicatio, & adulterium, etiam ex conjecturis, & violentis suspicionibus, Cov. de sponsal. 2. par. cap. 7. §. 5. per totum, Sylvest. in ver. divortium, & in pract. meæ pœnit. titul: 21. in praxi quomodo procedatur. vide Holt. in summahoc tit. ubi habes practicam, & sicut uxorem accusare potest, ita e contra, & an possit vir propria auctoritate expellere uxorem, Covar. loc. cit: num. 11. dicit, quod non, nisi sit notorium.

DOCTOR.

PRIMò, Doctor, sive Licentiatus in Theologia, vel in jure canonico, & in publica Universitate graduatus, non excusatur ab examine, quando petit sibi provideri de aliqua parochiali Ecclesia, ita sacr. Congreg. declar. 208. in meis, cujus sunt verba prædicta formaliter.

Secundò, irriti sunt doctoratus, in quibus fidei professio non fuerit adhibita, ita Bul. Pij IV. & sac. Congr. declar. 311. in meis, cujus sunt verba prædicta.

DOCTRINA CHRISTIANA.

QUAMAM sunt indulgentiæ confraternitatis doctrinæ Christianæ?
Respondetur, quod est videre in Bull. Pij V. quæ incipit ex debito, & Gregor. XIII. Bul: 11. quæ incipit, Illius, qui, & Bul: seq. ubi multas habes indulgentias confratribus societatis doctrinæ Christianæ concessas, & ibi hortatur prælatos omnes ad erigendas confraternitates doctrinæ Christianæ, inferioribus autem præcipit, ut & ardentius prælati eorumque inferiores ad hujusmodi sanctum exercitium, officiumque accendantur. Volui hic inferere Bullam, ut fateor, ad Gloriam Dei, quod cum essem Vicarius in Archiepiscopatu Compzano, & parochus Beneventi, & modò Episcopus Minori, per me ipsum functus sum munere hujus sanctæ exercitationis, quam nec erubuit Dominus noster, quando inquit: *Sinite parvulos venire ad me, & a libi: Nisi efficiamini sicut parvuli, & a libi, Cum oraveritis, dicite, Pater noster, nec sancti Patres, ut divus Augustinus, & alij, qui codices integros de hujusmodi disciplina composuere, & vidi Archiepiscopum Neapolitanum Mariam Carafam interesse parvulis discipulantibus de institutionibus Christianis, nec dedignati sunt summi Pontifices sancire Bullas de hac materia, & præcipuè sanctissimus Dominus noster Clemens VIII. nil magis cogitat.*

Secundò, an parochus possit cogere clericos, qui sunt intra limites suæ parochiæ ad adjuvandū eum in docendo Doctrinam Christianam pueros?

H 3 Respon-

Respondetur, quòd non, nisi urbane eos exhortari, Nav. conf. 6: nu. 6. de off. ordinar. Indulgentias à Greg. XIII. huic confraternitati concessas, vide in fine libri.

D E C I M A.

Primò, an Rector Ecclesiæ, cui decimæ debentur, possit interdici facere colonò, vel domino fundi, ne fructus colligant, vel exportent, nisi eo præsentè, vel ejus nuncio, timens fortè defraudari?

Respondetur, quòd sic, ita Addit. ad Cap. Tolos. q. 432. & si aliter se habet consuetudo, vel statutum Principis & est timor de fraude etiam, potest facere interdici, ut ibi probat ex multis Doct.

Secundò, quo tempore debent solvi?

Respondetur, quòd de prædialibus, quando colliguntur fructus, gl. in c. revertimini, in ver. annus, 16. q. 1. & si bis in anno faceret fructus, bis essent solvendo, personales verò in fine anni, gl. ibi, & Innoc. in cap. pastorales, in ver. venduntur, eod. tit. Affic. rubr. 7. in constit. quanto ceteris, num. 26.

D I S T R I B U T I O N E S Q U O T I D I A N A E.

Primò, an ubi sunt sufficientes, vel tolerabiles distributiones, possit Ordinarius eas impinguare ex tertia parte fructuum, vel dignitatum?

Respondetur à sac. Congt. decl. 471.

in facto cuidam Reverendissimo Episcopo: ea enim est summa illius capitæ, videlicet (sess. 21. c. 3.) ut hujusmodi fructus tantum assignentur distributionibus in his locis, ubi illæ aut nullæ sunt, aut ita tenues, ut facultatem præbeant negligendi. & inferius dicit, ut amplitudo illius Episcopi ab instituto desistat, annuens, quòd si sunt tolerabiles, & sufficientes, non impinguentur.

Secundò, quænam sunt, quæ veniunt appellatione quotidianarum distributionum?

Respondetur, quòd anniversaria, mortuaria, & eleemosynæ, quæ veniunt in dies, & eisdem similia emolumenta, non videantur comprehendi sub fructibus, redditibus, proventibus, juribus, & emolumentis canonicatum, nec sub distributionibus quotidianis, Nav. conf. 13. de cler. non resid.

E C C L E S I A.

Primò, Ecclesia data à Papa, vel unita alicui monasterio, non potest illius possessio capi sine licentia Episcopi, c. pastoralis, de privil. Nav. n. 60. de pæn. dist. 6.

Secundò, Ecclesia si ejus Episcopus cum toto populo labitur in hæresim, vel schisma, non ideo perdit suos honores, & privilegia, Innoc. in c. inter quatuor, num. 1. de majorit. & obed.

Tertiò, tribus casibus Ecclesia debet consecrari, primò, quando dubitatur, an sit consecrata: secundò, quando cremaretur vel in totam, vel in ma-

joti